

觀

象

玩

占

衛第六星為少衛第七星為少丞垣星欲其均明大小有常則吉盛明則臣強不明則臣失職垣直則天子自將不明則兵起

客星流星彗孛干犯占

紫微宮垣在北極三十六度之內日月五星所不至若有入其中者皆為失行當有易姓改王亂兵並作之應占書不具載者以為非常之變也

晉懷帝永嘉末熒惑入紫微宮占者曰當有野死之王又為火燒宮其言卒驗以此理推之可以類通

客星出紫微宮中開元占曰天下大亂臣殺主一曰天子家有兵喪

客星入紫微宮中有大變兵起主憂

赤星入紫微宮垣中天下亂兵入天子之都列大夫多死者入其旁多亂臣

赤黑星入垣從陽入有客兵期六十日從陰入有走王

黃星入垣天子得地之喜

客星犯垣有喪以所中命之

客星守垣國易政一曰有不臣之臣

流星入紫微宮中黃帝占曰有大喪大兵起將軍有戮死者
期三年石氏曰臣犯主天下多死者又曰死者來復命色
黑青死者有憂一曰諸侯有使來有憂以所起言其國以
色言其吉凶荊州占曰使星入紫微宮匈奴起兵亦水旱不
調周卓曰有奇令天下亂

流星赤黃有光入紫微宮為大喪

流星衝紫微宮垣使還未見期三日內

流星從紫微宮闔闔門者出天地之使也視其所適之野當有
中使銜命從星所之視其色以占其所將之事也

色青言憂白言義赤言兵黃言土工若土田事黑言水若
死喪事星大則其事大星小則其小荊州占曰流星自兩
門出者天子使也其入則為使入不從門出入者內則妃
后諸王外則蕃國使也出則使出入則使入隨色占之海
中占曰大流星出紫微宮中天子出走不則宮中有徒
室期三年

彗星入紫微宮天子宫中有亂出其也國去其君

彗字如掃紫微宮若出之皆為除舊布新天下革命有得者
昌無得者亡

雲氣干犯占

雲氣狀如雞雛出紫微宮中紫子孫之氣也天子有子孫之喜

黃白氣入紫微宮連極星宮中有立王侯

黃白氣潤澤狀告刀劍入紫微宮中御女星上天子有男子之喜狀如筭生女子

黃白氣正圓如杯椀入紫微宮中有立侯王一日天子得璧玉喜一日有進美女者幸臣為之一日

幸臣進美食

赤黃氣入紫微宮天子得寶欽

赤氣入紫微宮或指外兵入天子廷乙巳占曰內亂有內王

蒼白氣入紫宮中大憂出之禍除

蒼白氣入走獸入紫微宮中有反臣若入犯諸座天子惡之

黑氣入紫微宮中宮中有疾病死喪入紫微兩蕃兵大起

紫氣入紫微宮天下亂

黃白氣如旗有大喜延年益壽

赤黑氣若蒼白黃赤雜色狀如蛇蛟如龍在紫微廷中宮闕

上者心有白衣之會若徘徊環繞紫微宮而入之則為臣
弑主此姦臣亂賊之氣也與太微宮同占

黃白氣狀類走獸飛鳥或如鳳出入紫微宮天子有喜

黃白氣如獸出紫微宮天子以畜賜諸侯王若自外入之則
有貢其獸

赤黃氣入紫微宮有立王

赤黃出紫微宮東西蕃天子用錢賜侯王一日起兵

赤黃氣如幕出紫微宮中天子以金金錢賜妃妾

赤氣出紫微宮中兵大起

白氣出紫微宮有喪

虹入紫微中宮所起之野有叛逆兵起

漢和帝永元十六年四月丁未紫微宮中生白氣如粉絮後
年帝崩

晉懷帝永嘉三年正月庚子熒惑犯紫微宮中占曰當有
喪死之王又為大燒宮是為大史令高堂冲奏乘輿冥遷
幸不然必無洛陽五年六月劉曜王彌入京都焚燒宮廟執
帝歸平陽

天市垣

總敘

天市垣二十二星在房心星東北一曰天府一曰長城天子之市也
主權衡主聚衆一曰天旗庭天子之旗幟也主斬戮之事又
曰天市者都市也天下之所會也石氏曰天市垣二十二星
立四方邊國門左一星宋也次衛次燕次東海次徐次吳越
次齊次中山次九河次趙次魏次河中次河間門右一星韓
也次梁次楚次蜀次巴次周次鄭次晉其芒角動搖光色
異常即為其國有不臣有叛謀微小失色則其國弱黃
帝占曰天市垣星欲其光明潤澤則吉其星不明若市中

星少皆為歲凶五谷傷雜貴人饑石氏曰天市星明則市
吏急商人無利不明則市吏弱商人多利郝萌曰天市星
明大則粟賤其中小星多則富之一曰垣星芒角赤色則
主市之臣叛

月五星客星流星彗孛干犯占

月入天市大將死國易政一曰有更弊之令海中占曰近臣有
坐罪者一曰女主憂兵起大臣有戮於市者一曰粟貴

月入天市其所主之地有殃

月暈天市兵起

月乘天市兵大起大將死粟貴

五星犯天市其所將相有憂黃帝占曰兵大起一曰更弊乙巳占
曰將軍凶一曰五官有憂一曰有赦

歲星入天市巫咸曰諸侯有戮者海中占曰市驚有易市

木守天市石氏曰諸侯相謀國有憂兵郝萌曰五谷大貴乙
巳占曰興兵者吉

熒惑入守天市黃帝占曰天下兵起劉向洪範傳曰有不忠之
臣戮于市者郝萌曰有大災有徒市

火入天勾已還繞之天下惡期十月石氏曰都邑有兵甘氏曰

弊亂人憂海中占曰天子先廷都萌曰火入天市是謂受
谷天下大饑糴大貴荊州占曰大將死天下有金錢之
徵又曰市有驚亂都萌曰火當天市門而止米貴再倍若
入市門中貴五倍逆入而守之貴十倍天下大饑一曰火居
天市

火舍天市有芒角色赤如血三十日不去臣有謀主者

太白入天市而守之相座之一曰貴人憂

辰星入守天市兵大起蠻夷之君死一曰市驚有更市

鎮星入天市石氏曰女主憂糴大貴守之石氏曰有訟事入

市有戮臣留之百日失大將逆行入市有驚亂

太白入天市海中占曰國有兵謀將相有戮死者郝萌曰米
貴春秋文耀鉤曰市驚斧鉞用兵大起一曰大臣有謀

客星入天市兵大起大臣誅色黑利吏憂以入日占國石氏曰
客星入天市聚者皆起郝萌曰市中兵犯外城羅責居市

大貴遊市旁小貴一曰執令者死

赤星入天市天下人多棄市者

黃白星入天市嗇夫不遷卽有賜

黑星入天市嗇夫死

白星入天市：中亂

客星犯天市所犯者坐之

客星守天市度量不平天下亂

客星出天市貴人多市死者

流星入天市石氏曰市吏有憂又曰大臣有戮於市者至咸曰

度量不平執令者死

蒼白星入天市萬物貴

赤星入天市有大災人疾病

流星入天市而復出死罪復生

彗字出天市内外豪傑俱起執令者死

彗掃天市徙市易都

彗犯天市地震又以所犯者言之

彗守天市五谷大貴

雲氣干犯占

赤雲氣入天市兵器貴一曰鉄錢用

如波揚入市有大憂

蒼白雲氣入天市中疾疫市吏遇賊出則禍除亦為萬

物賤

黃白氣入天市有奇物自外入出之市中奇物出又曰黃白

氣入天市壞嗇夫死

赤氣入天市中火憂

赤氣出天市兵出弓弩大貴

黃白氣長如二三丈繒恒集天市中
有神奇物出天子喜

觀象玩占卷之二十一終

觀象玩占已集目錄

第二十二論雜座

太微垣雜座

第二十三卷

第二十四卷

紫微垣雜

第二十五卷

天市垣雜座

第二十六卷

角宿雜座

亢宿雜座

氏宿雜座

觀象玩占卷之二十二

太微垣列座

五帝座

總敘

五帝座五星在太微宮中其中星為黃帝座中央黃帝含樞紐之神也四帝座夾黃帝座其東一星為青帝靈威仰之神也南一星為赤帝座南方赤帝赤燥怒之神也西一星為白帝座西方白帝白招拒之神也北一星為黑帝叶光紀之神也五帝座者天子之位天子動合天心止得地意則其星恒明以光帝座不明則天子宜急求賢以自輔不然

則奪勢帝座明大光澤則天子有道天下歸心青黑微小則天子國亡動搖徙則天子失位

雜干犯占

月行犯黃帝座大人憂臣謀反政大易天下亂且饑人存亡者半一日土工興天下亂人主死

月出黃帝座北其禍大出其南禍小此為下謀上

月犯四帝座天下有喪

月暈帝座貴人死有兵有赦曰天子將兵五谷大貴

五星中犯乘守黃帝座天下有逆亂臣謀主石氏曰改易主

天下亂存亡者

半都萌曰有非其主立天下不安

五星中犯乘守四帝座臣逼君一曰有謀主者去之一尺以內事成遠則有謀不成

五星逆行入太微庭皆爲諸侯將相謀逆至帝座者成不至而復則有謀不成各以其入日占國

五星入帝座其色白皆爲有赦

木星觸黃帝座天子宮破國滅一曰火入帝座天子庭有逆臣若觸之天下無主荊州占曰大行至帝座者有敎若出黃帝座

北天子辱諸侯徒若黃帝座則天子死天下

天下亡近之而犯臣謀亂不成

鎮星犯帝座女主作威福

金星入帝座兵在中天子憂賊

辰星抵帝座國有大土工

客星入太微犯黃帝座天子憂臣謀至帝座而還謀不成反
受其殃

客星守帝座十日以上謀逆者成朝不出一年

客星抵帝^座天子有喪抵帝座旁臣謀反

赤星銳如劍抵帝座天子兵驚一曰大驚

黑星^犯帝座天子惡之

黃星抵帝座有進美女者

流星犯黃帝座天子

流星抵黃帝座下亂臣殺主國政期不出三年

流星犯四帝座輔臣有誅執政者憂貴人多死期三年彗字

干犯五帝座王者滅亡出帝座兵起有亡國死君有立王

天下亂

彗刺帝座宮中星兵起有大喪王者亡

蒼白氣抵帝座天子有喪事抵帝座旁有反臣

黑氣抵五帝座左右諸侯有死者

黑氣抵五帝座留止不去大人憂

黃白氣正圓如杯椀抵帝座左右諸侯有喜

蒼白氣出五帝座經出南門者不出九十日人主失其宮天下

不安

赤黑出五帝座經出南門不出九十日天子失宮又日赤氣出

五帝座兵一曰有立王

赤黑出帝座天下入幸臣中不出六十日近臣有欲謀君者氣

不明不成明而成形天下大亂

赤氣若蒼白氣出幸臣正中帝座近臣謀逆事成

赤氣出太微中直帝座內亂兵起氣自外入指帝防外兵入

赤黃氣出五帝座天子有便干諸侯

黃氣出太子入五帝座不出六十日太子即位

赤氣如劒指帝座天子有驚

赤氣狀如箒指帝座天子有婦女驚

黃白氣潤澤狀如刀劒抵帝座旁天子有男喜

赤黑氣如龍如交蛇入帝座有白衣之會

謂者

總敘

謁者一星在太微宮中左執法之東北主賓客辨疑惑其
星明則四夷來賓不見則外國不服謁者移近內屏
宜防姦客

雜干犯占

五星客星彗星守犯謁者有災

三公

總敘

三公星在太微宮中謁者東北三公之內座朝會所居也所以
輔德謀事其占與紫微北斗三公同

雜干犯占

月五星客星流星彗孛字犯乘三公有憂不則將相大臣有誅
若者死

九卿

總敘

九卿三星在太微宮中三公之北九卿朝會之內座也主治萬
事星亡則九卿非人法政大壞

月五星犯九卿有誅死者 彗孛出九卿有反者犯之九卿受誅
流星犯九卿內座王有大憂一日疾病

五諸侯

總敘

內五諸侯五星在太微宮中九卿之西天子畿內之諸也侯主判
姦星不見則諸侯黜一日辟雍之禮得諸侯星明

雜干犯占

客星彗孛犯五諸侯或守之皆爲諸侯有誅死者不則有賊

黜者

流星犯之宰相被辱

內屏

總敘

內屏四星在太微門中五帝座南近右執法所以擁蔽帝庭也主執法刺舉其星潤則君臣有禮不明法律奸繆

雜干犯占

月犯乘內屏君臣失禮輔臣有誅黜

五星中犯乘守屏君臣失禮下謀上一曰大臣有戮死者

太白入太微至內屏而留有兵在宮中

客星犯守屏星輔臣有誅若黜者一曰君臣失禮輔臣有誅者
而被貶黜

赤星出屏星有僭位者

流星犯內屏王者大憂一曰尚書憂有死者

彗字出內屏守衛之臣有罪誅者一曰執法者當之

幸臣

總敘

幸臣一星在帝座東北天子之侍臣也其星不明則吉明盛

嬖幸用事

雜干犯占

青赤氣入幸臣中近臣有謀若不明者不成則為亂

太子

總敘

太子一星在幸臣西帝座北天子之儲貳也其星明潤則

儲君有德暗黑則凶

雜干犯占

月五星犯太子皆為太子有憂

金火守犯不有廢黜必有篡逆

客星彗孛犯太子不死則廢

彗出太子座有篡逆內亂

從官

總敘

從官一星在太子西北侍從之臣也其星亡則君不安守常則

無咎

雜干犯占

星不見則帝不安如常則吉

郎將

總敘

郎將一星在郎位東北武衛之官也主閱武備星明大則將專恣明而動則將為亂變色或移徙不見則將有憂

雜干犯占

五星犯守郎將坐咸曰將有誅一曰大臣為亂王者戒慎左
右荊州占曰有符節為姦者又曰必有不還之使客星入
郎將若守犯之臣為亂君令不行

客星出郎將色青黑郎將不死則黜色有黃白受賜

流星入抵郎將或犯之郎將誅臣為亂王者慎左右不出

其年

彗字星出郎將大將反兵起犯之將軍不誅則死

虎賁

總敘

虎賁一星在太微西蕃之外上相之西下台之南旋頭之騎

官也主宿衛侍從變色或動徃兵車大動

雜干犯占

彗字出虎賁守衛之士為亂

常陳

總敘

常陳七星如畢狀在郎位天子之宿衛也主備強禦難其
星明則武備修暗則兵萌動搖則天子自出移近帝座
則近臣誅

雜干犯占

五星犯守常^陳守衛有謀兵起宮中天子自出行誅期百八
十日遠一年

客星出常陳守衛者謀兵起左右王者憂期不出其年
客星犯常陳天子行誅

流星入帝陳宿衛人有罪者誅人主憂期一年
彗孛出常陳天子殺守衛之一日防守者有死

郎位

總敘

郎位十有五星依鳥然太微帝座東北周官之元士漢官有
之光祿中散諫議郎三署郎中是其職也張衡曰今之高
書郎也其星大小均齊光潤有常則吉明盛角動則臣有
劫主者星不具侍臣誅微暗黑小則郎官失職

雜干犯占

月犯郎位郎官受誅

五星犯郎位甘氏曰左右宿衛者謀為亂天子宜預防之
火星守郎位國有兵喪王者忌之

客星犯郎位大臣失勢

客星入郎位大臣為亂石氏曰多死者

赤星入郎位郎官多犯罪者蒼白星入郎位郎官為亂出

郎位郎官出將一曰守衛臣有謀人主憂將相有誅者外
夷反叛期二年一曰郎官多死者守郎位元士憂荊州占曰
將有憂

流星犯郎位郎官有貶出者

流星出郎位郎官出使色赤爲將兵出

流星入郎位或犯之守衛之臣有誅一日左右爲亂有戮死者

期一年遠二年

彗字出郎位郎官有謀叛者犯郎位郎官憂

狂矢出郎位郎官反

蒼白氣入郎位中郎有內亂者出郎位則禍除

赤氣入郎位中兵起出郎位多用兵遠行

黃白氣潤澤入郎受賜

黑氣入郎位中郎多以罪死者

明堂

總敘

明堂三星在太微垣外西南陬天子布政之官也主宗祀先王
覲萬國其星明則王道行暗小則反是

雜干犯占

五星犯守明堂天子易其宮

靈臺

總敘

靈臺三星在明堂西主觀雲物察機祥候災變星不見則司天
之官失其守陰陽不和

雜干犯占

五星犯靈臺水旱不時一日曆官有憂

青黑氣入靈臺有大風雨期三日遠七日中

黃氣入靈臺太史喜

赤白氣入靈臺太史有憂

少微

總敘

少微四星在太微西南北列士大夫之位一曰處士水官也主賓
賢才弼教化亦曰主衛掖門南第一星為處士第二星為義
士第三星為博士第四星為大夫星大而黃則賢士舉天下
安微暗失色則天地閉賢人隱黃帝占曰少微主藝能道術
之士星明而行列正則王者任賢良舉隱逸天下治安微小
不明則賢良不道術潛藏天下不安焦延壽曰少微若一
星獨前入太微西門必有謀賊天子者

雜干犯占

月犯少微處士有憂一曰女主憂宰相易一曰官吏黜一曰犯第一

星處士憂犯第二星議士憂犯第三星博士憂犯第四星

大夫憂

歲星入少微君當求賢以自輔不則失威奪勢

木星犯入中守少微名士憂王者信用小人忠臣被害有死者

黃帝占曰宰相易女主憂石氏曰五官作亂宰相憂

熒惑鎮星辰星守犯中入少微其占與歲星同

火星犯少微名士有讓善者

金星犯少微大臣有戮死者

客星犯少微白衣聚王者凶道術不用智者逃亡期三年守

少微處士憂

入少微姦臣聚

出少微道術工巧之士用一日有方伎之士以術

進媚于天子者

守犯少微宰相易女主憂

流星出少微賢士出視其所之

入抵少微賢良聚道術用能人多來者期不出其年

犯少微家人千名賤人用事

彗孛犯少微白衣聚王者凶道術不用賢士逃亡期三年

又曰家人賤人其昌

出少微多能能臣有戮者若公臣有罪一日法令臣有誅者
一日彗出少微士大夫起

蒼白氣入少微賢士憂 一日大臣黜

帝氣入少微宰相謀叛

長垣

總敘

長垣四星在少微南西北列主邊界城邑及胡夷疆域其星有
變色動搖則邊城不安

雜干犯占

歲星入長垣強臣凌主天子以兵自守一日叛臣伏誅期年不出百八十日

熒惑犯守長垣胡兵入出之則胡兵出若守之則胡人大入

中國

太白入長垣九卿謀反一日邊將叛犯之胡兵犯邊守之邊兵

大起

辰星犯長垣胡兵入邊城憂

客星入長垣胡兵犯邊守之邊兵起邊兵憂

流星入長垣匈奴兵起一日胡入中國人主有憂

彗孛出長垣大臣反兵起宮中天下亂有亡國主人憂一日邊
兵起一日胡不安犯之胡人塞

蒼白氣入長垣胡兵起

赤氣入長垣胡兵入亦爲火

赤氣出長垣邊兵起

三台

總敘

三台六星兩兩而居一日三能一日三衡一日三奇一日天柱一日天

階一曰泰階三公之位也諸侯大人之象也上台起文昌中台對軒轅下台抵太微上台曰太尉司命為命子孟中台昌司徒司中為仲下台曰司空司祿為季

黃帝占曰泰階天之三階也上階上星為天子下星為女主中階上星為諸侯三公下星為卿大夫下階上星為士下星為庶民主和陰陽理萬物又曰三台大間中相去十有六度為平過為太不及為損小間相去半度平過為奢不及為迫又曰三台為天階大一躡之以上下春秋元命包曰三能主開德宣符故六星又為六符西近文昌宮二星日上台為司命主壽命中

二星曰中台為司中主宗族東二星曰下台為司祿主兵一
曰上台上星主充豫下星主荆楊中台上星主梁雍下星主
冀州下台上主青州下星主徐州星耶其故以占其邦巫咸
曰三上^台官也主爵祿三階平則陰陽和風雨時五穀豐祥瑞
應三階不平則寒暑失節雨暘不和百神不亨災異並生
天下不寧三台色齊則君臣和不齊則君臣乖三台色清黑
天下多憂其氏曰三台色黃潤澤天下謀德色赤謀兵色
黑有憂色白有喪色青疾病三台不直天子失謀三台橫國
亡三台移三公非其人三台相抵諸侯為亂三台不見有亡國

上台不具春不得耕中台不具夏不得耘下台不具秋不得收三台動搖天下有謀朝廷失策三台䟽變三公憂上台䟽變從上

起中台䟽變從中

起下台䟽變從下起所謂變者謀反作逆者三台不齊大小失常則三公不得其人人主有憂三台三星不見天下危三星不見天下亂三星不見則人絕滅天下無主

雜干犯占

月入三台君有大憂 敗在臣下黃帝占曰公侯殺君大臣

為主

司臺三台三公下獄一日六主

歲星犯上台近臣有罪若有誅一日近臣有逃走者以五色占其
吉凶郝萌曰改年易紀太尉死天子惡之 犯中台司徒病
一日姦有謀

犯下台近臣有罪出走色黑則死色黃無事

熒惑入犯上台近臣有以罪誅者一日近臣有逃去者以五色
占之

郝萌日火犯守上台宮禁門焚太尉死天子惡之

犯守中台司徒公族黃后惡之春秋文耀鉤曰姦臣有謀若有誅者

當犯守下星民疾病死喪有兵且饑

火守三台三十日天下大亂兵起宮中大臣戮死若守兩台之間尤甚一日太守三台動地兵亂三年乃止

火犯三台春秋緯曰天下奪擊諸侯相爭又曰三公專恣則火觸三能

鎮星犯三台近臣有坐罪誅者一曰近臣有犯罪而逃者色黑死色黃無事

太白犯守三台近臣有誅者郗萌曰太白犯上台太尉將兵
在宮中戰流血貴人多死

犯守中台司徒反

犯守下台司空反荊州占曰天下驅掠兵聚一隅

一曰地動兵起臣謀主

辰星犯三台天下兵大起臣謀主

客星入三台色黃白貴人有賜爵者

蒼黑色貴人奪爵

客星入三台若守之大臣多戮貴人多病死者

客星出三台大臣黜或曰貴人死

客星出三台若守之天下殺大臣貴人有死

客星舍三台天子左右有不正之臣

客星守三台有兵喪一曰水災

客星入司命甘氏曰近臣有生罪者色黃白者自解色黑死石
氏曰客星入司命色蒼民多死喪色黃白婦人多傷色黑嬰
兒多死

客星出司今天子疾病有大憂

客星入司祿大臣爭榮色黃白潤澤近臣賜爵色青有抵罪而

走者色黑則死

流星入三台天下有兵大將憂

流星入三台司命中姦臣來近主者出之姦臣出

流星入下台司祿大臣有受爵封者出之則臣有罪走色黑者

死言則二年

黃帝占曰流星出三台大將出師流星入三台天下動兵聚禍

流星抵上台天子憂抵中台將相憂抵下台民多憂

下台民多憂

彗孛出三台有陰謀宮中大起一日臣害君禍大起

彗字出上台兵起三公大臣有憂出中台奸臣有謀兵大起
貴人出出下台近臣有憂死

彗字出三台西相反出其中大尉反出其東大司馬反
黃白氣潤澤入三台民安君喜

黃氣入三台將相喜

赤氣入三台多敗傷臣有謀君臣相驚

黑氣入三台三公憂將相死

蒼白氣入三台民多死喪出則禍除

青黑氣入三台天子三公俱憂
有蓬雲色黃白不過三尺

見於三公之上布衣有暴貴者

三台珥主欺吏大臣變姓以為忠一曰三台珥臣謀逆不出三
月

觀象玩占卷之二十二終

觀象玩占卷之二十三

紫微垣列座

北極

總敘

北極五星在紫微宮中一曰天樞一曰北辰天之最尊星也其紐
星天之極也天運無窮三光迭照而極星不移故曰居其所
而衆星拱之其第一星主月太子第二星主日帝王也亦曰
太乙之座其最明而赤者也第三星五行庶子也第四星后
宮也第五星天極也張衡云星並為后宮北極主出度天子

有道則北極齊明不明則人君耗中星不明主不用事石星
不明太子憂左星不明庶子憂石氏曰北極明大而數動
淫則天子好遊色青而微天子凶極星亡則中國無主天下
亂北極星皆不明而大星獨居天下易姓人相食荊州占曰
天樞大端指心小端指參故用兵者順行皆天樞則青龍在
左白虎在右朱雀在前玄武在後朱雀者七星玄武者虛
危也

各星流星彗孛星干犯占

客星出北極旁石氏曰帝王暴驚宗室亂宜修郊祀奉宗廟

行德令以讓之武密占曰客星出北極旁女主謀篡位

赤星出北極天下兵車盈野郅萌曰星所之國大敗

客星入北極天下道塞入天樞主有非常之變

客星犯極大人死一曰有反者

客星守極天下憂國易政若犯太子則太子憂犯庶子憂后宮
亦然

流星出北極天子使出入之使人

流星出北辰黃帝占曰地動石氏曰兵在外者罷一曰有使出

流星入北辰石氏曰天下道塞兵大起一曰天下兵聚國有大

變大人憂之

流星抵北極而過之黃帝占曰天下有大喪兵起非一國將軍
戰死大臣戮不出三年

流星抵北極而止石氏曰視其色前青後白有來言兵事者成
前白後黃人主立太子有土者色赤而前黃銳有來吾國而
死者色白而前後皆銳有通好者

石氏日常以戌日視北

辰有流星出之天子有德令

彗字出北辰臣謀君天下有立

彗字犯北辰若指之天下兵起有大喪君臣相誅除舊布新

易姓革命

蒼白雲氣入天樞中天子憂疾出天樞則禍除

黃白雲氣入天樞外方人貢出則天子有賜于諸侯

黑氣入天樞天子憂

赤氣入天樞天下兵起出天樞宮中有兵

黃氣出太子座不出六十日太子即位

四輔

總叙

四輔四星抱北極之樞所以輔佐北極而出度授政張衡曰四輔為

輔臣之位主贊萬機星小而明事吉明大芒角則臣適君暗則輔臣失職政事不理星亡則君臣失禮輔臣有誅死者

雜干犯占

客星犯四輔人主憂宰相死一曰三公大臣有殃巫咸曰近臣死流星低四輔宰相黜

流星犯四輔天子被迫

流星出四輔宰相出使

流星橫貫四輔外國使來

彗孛犯四輔輔臣有戮死者一曰人主惡之石氏曰有赦一曰王

家有兵喪

黃白雲氣潤澤者入四輔相之臣有喜

赤氣入四輔輔相者憂兵

白氣入四輔相失位或疾病

天乙

總叙

天二星在紫微閣闔門中右樞之南主天道又主戰鬪知人吉凶

其星欲小明而有光則陰陽和萬大盛光則水旱不調五穀不

獲

成天下饑人流亡黃帝占曰

天一星光明澤潤則天子吉星亡則天下亂人主亡

雜干犯占

五星守犯天一幸臣謀亂兵起人主憂若守之臣弑其君餘殃
為水旱饑兵死喪之災

客星犯天一五穀大貴守之宗廟不安國危亡守之七十日
事成

客星歷天一宮門閉王者內不安近臣亂不出三年

甘氏曰客星守天一人主納佞棄忠君臣異心以亡其國

流星抵天一兵滿野人流亡海中占曰冬滂憂旱萬物不成穀

黃疫一曰兵起不戰

開元占曰流星入天一旁五穀成天下安

彗孛犯天一曰大臣謀叛纂弑禍作石氏曰白衣會聚兵大起

一曰天子宮門不閉天下易主

黃雲氣潤澤出入天一君臣和天下安

黑氣入天一宰相黜

太乙

總敘

太二星在天一南相近天地帝之神也主使十六神知風雨水

旱兵饑疫疾在之國所星明有光則吉暗則凶太一離其位而乘斗後九十日兵起

雜干紀占

五星犯太一占同天一火守之餘殃為水災

客星守太一兵大起天下大旱且大水貴人死民饑疫流散

流星抵太一宰相下獄

流星出太一納佞棄忠荊州占曰太史黜

流星入太一占同天一

彗守干犯太一兵喪水旱俱起天下革命

黃白氣出入太一官受賜

赤氣出入太一大旱又日兵起

黑氣大水

蒼白氣大疫死喪

鈞陳

總叙

鈞陳六星在紫微宮中華蓋之下大帝之所居也巫咸曰鈞陳者天子護軍將軍水官也六星為六軍一曰鈞陳為法官大帝之正妃故為萬物之母而象六宮之位其端大星為

正妃餘星承之為庶妾荊州占曰鈎陳天子之司馬也主
三公三師其星明盛則天子輔用暗小則輔弼不見則女主
惡之人主不納忠諫而用佞臣則鈎陳不明

雜干犯占

五星入紫微犯鈎陳天子憂後宮有亂幸臣謀逆兵起宮中
客星守鈎陳後宮有女客欲謀主者一曰兵起軍破將軍有凶
赤星出鈎陳兵起大戰將有功

黃氣出鈎陳有進美女者一曰兵在外者罷

赤星入鈎陳有劫主者若犯之宮中有大變臣為逆王者憂

一曰兵亂司馬死

黃星入鈎陳天子命在大司馬

黑星入鈎陳大司馬溺水死

蒼白星入鈎陳大司馬死

流星貫鈎陳后妃有黜者

流星出鈎陳後宮有憂

流星入鈎陳劫主者一曰臣諸主兵起宮中期不出二年乙巳占

曰流星衝入鈎陳使還見天子期三日不出七日以色占其

吉凶

彗字出鉤陳幸臣亂宮中有誅者一曰臣為遲

雲氣蒼白入鉤陳中大司馬憂死出鉤陳將憂軍破

赤雲氣入鉤陳內亂大司馬戮死

赤雲氣入鉤陳中兵起大戰將有功

白氣入鉤陳天子立宗廟

黃白氣入鉤陳天子立大司馬兵在外不戰

黑氣入鉤陳大司馬軍中死事出則禍除

青氣入鉤陳大司馬變

黃氣光潤入鉤陳天子立后

黃白氣出鈎陳兵告罷

天皇大帝

總叙

天皇大帝一星在鈎陳口中其神曰曜魄寶主命符以授天子立五
祀御群靈乘萬機神圖其星常隱不明明則為灾若光動有芒
角則失常人君行不中度星亡則天理絕滅

雜干犯占

客星犯大帝除舊布新天下易政

客星守大帝宮中有客謀天子者

流星犯大帝天下亂臣犯主易政

流星出大帝座天子使出

流星抵大帝座君失其宮

火流星如月出大帝座投入濁露之中天子棄國出走

彗孛犯大帝座若出之天下更改

雲氣黃白入鈎陳覆大帝光明潤澤天子有喜

黃白氣出大帝座改立王者

白氣如粉絮出入鈎陳大帝座天子憂之

五帝內座 總叙

五帝內座五星在紫微宮中華蓋下鈎陳之上斧扆之象所

以備宸居者其星明正則吉變動則宸居不安

雜干犯占

客星犯帝座臣犯主一曰大臣誅國易政乙巳占曰民人大亂
宮廟徙期三年

流星出帝座邊軍出一曰天子有大使出一曰大將軍出一曰幸
臣誅不則自殺

流星犯帝座兵起國門大臣爲亂

流星抵帝座國易政主徙其宮

凡流星出諸座大抵皆爲天子使出入則爲使入以色言其吉凶

三垣帝座其占同

彗孛出帝座除舊布新有易政革命

彗孛犯帝座民饑大亂宮廟徙大臣憂期三年一日兵起宮門宗廟毀絕三垣帝座占同

雲氣蒼白色入帝座天子有喪事

赤氣入帝人主立廟

黑氣入帝座人主憂病

黃白氣狀如杯椀正圓入紫微宮帝座有獻璧者

赤氣出帝座臣謀君入之妨奸人

青白氣入帝座而徑出南門者主失其宮

陰德

總敘

陰德二星在紫微宮內尚書之西主周給賑卹德行施會
或曰二星一曰陰德一曰陽德為天一主綱紀正經其星
欲其若見不見不欲明亦不欲無明見則近臣次
庶雄謀天子明則太子有逆謀若有女主治天下者
動則君臣相攻無則聖人絕嗣

客星流星彗字干犯占

客星犯陰德大旱民人飢亡

客星守陰德倉廩發

流星犯陰德天子政令不行

流星入陰德輔臣領錢穀者黜

彗孛犯陰德太子有逆謀

彗孛出犯陰德後宮女子與太皇太子連謀為變

雲氣干犯占

黃雲氣入之天子有喜

黃白氣入之諸侯有受賜者

青白黑氣出入陰德太子憂

尚書

總敘

尚書五星在紫微宮垣內東南維八座大臣之象主咨謀言其星小而明則吉明大芒角則臣強逼君暗則臣失職星亡不見則輔臣有憂

客星流星彗孛干犯占

客星犯尚書大臣死不則有貶黜守之八座有下獄受誅者凡客星有抵尚書人君不納忠言諫官黜退

流星入尚書八座官憂黜

流星出尚書有出使事

彗孛出尚書八座官有謀反者犯之太子有憂尚書大臣
有以家事坐罪者

雲氣占犯占

黃雲氣入尚書八座官受賜

赤黃氣入尚書八座官有受土地出鎮者

黑氣入尚書掌刑法者出罪期百十日

柱史

總敘

柱下史一星在此極東近尚書主左右記君過亦同左右史是其象也一曰書之所藏也星明則史直詞不明則反是

雜干犯占

客星犯柱史柱史憂一曰君行非道而柱史受賜守柱史柱下有黜者

流星入柱史君自示其咎一曰柱史受刑

彗孛犯柱史太子憂出柱史一曰官黜者

黃氣入柱史左右史有賜爵之喜

蒼白氣入往史左右史有死者

黃白氣入往史左右史有逆

女史總敘

女史一星在往史北婦官之微者主傳漏記時漢有侍史其象也張衡曰婦官主記宮禁動靜之事星明則記得其實微暗則婦官失職

雜干犯占

客星犯女史婦官憂

孛星犯女史受誅大抵占同往史

御女 總敘

御女四星在紫微垣宮內鈎陳之北八十一御妻之象也一曰御女
宮主禮儀侍帝晏寢星不欲其大明明則天子多內寵

雜干犯占

客星抵御女宮中有謀一曰有自殺者守之後宮有廢黜者不則
有女客入宮有謀

流星犯御女後宮有黜者一曰天子以宮女賜人

流星抵御女後宮女有出嫁外國者

流星出御女宮女有出者

流星入御女外國有進美女者

彗孛犯御女後宮有戮者出御女後宮有欲謀君王者曰星
宗御女大人惡之

黃白氣入御女後宮得寵者有子喜

赤黃氣入御女后妃受賜

蒼白氣入御女後宮多病

黑氣入御女後宮死喪

赤氣入御女內人有誅死者

天狂 總叙

天柱五星在紫微宮中，華蓋、紅、左、旁、近、東、垣、北、隅，主建政教，懸法禁悔，朔書夜之賊，周禮以歲正之月，示法象，魏其象也。星明大則陰陽和，天下平；不明則寒暑失節，難傾則國易政，變動則司曆有殃。

雜干紀占

客星犯天柱，國中有賊。曰：大臣為變，欲危社稷。

客星守天柱，人主從其宮，君臣皆憂，守之三十日以上，不亡，作亂者事成。

流星抵天柱，宗廟不安。巫咸曰：易主石氏曰：更改三公憂。

流星衝入天柱，人主憂大使還。

流星衝出天柱天子發大使出徠威天下

彗孛犯天柱臣致主憂黃帝占曰天子易官又曰遊位可以除咎
雲氣赤黃入天柱天子喜有封陵廟之事出天柱三公錫爵不受賜
黑氣入柱三公災一曰相死

大理總叙

大理二星在紫微宮內垣門之左近陰德平獄之官也星明則刑
法平不明則獄多枉濫

雜干犯占

客星犯大理貴人下獄多自受誅色黃遇赦乙巳占曰客星犯大理

帝王歌後威諸侯 俎

客星守大理獄有狂滯一曰刑獄官有黜者出

流星出大理刑法之官出使

流星犯大理刑獄官憂

流星抵大理決獄不平刑獄之官黜

流星入大理貴人下獄

彗孛犯大理大臣有以家事坐罪者

彗孛出大理刑獄之官憂

黃雲氣入大理刑法官有迂平咸曰有赦

黑雲氣入大理決獄不平刑法官受誅

六甲 總敘

六星在紫微宮內華蓋紅旁主分陰陽紀節候所以布政授時
星明則陰陽和不明則寒暑易星亡不見則水旱之灾

雜干紀占

客星守六甲色赤為旱黑水白多疾疫

流星抵六甲術士憂巫咸曰流星貫六甲太史公曰水潦不節農失
其時寒暑易候一曰大旱 乙巳占曰流星犯六甲賢良用

彗字犯六甲女主出政令荊州占日月月食一曰人君廢圖史

黃雲氣入六甲術士用

黃白氣入六甲大史受爵賜

黑氣入六甲太史憂

華蓋 總敘

華蓋九星紅也星共十六星在鈞陳上所以覆蔽大帝之座其星
明正則吉傾動凶雖徙則人君失御荊州占曰正者紅蓋者名
曰紅星次蓋大星為母中央為身母星下二寸者妻子也其下
有一小星不當見見則太子不得代立若有異姓立者

雜干犯占

客星犯華蓋王室大亂兵起四方天子宗廟不祀守之執法臣有

黜者

流星出華蓋天子失宮闕若貴三公以罪死巫咸日兵起宮中

乙巳占曰流星犯華蓋

彗孛犯華蓋天下兵起國易政

黃白氣入華蓋天子有喜

白氣入華蓋天子宮中有喪

赤氣入華蓋妨奸客

赤黃氣出華蓋天下方鎮官皆有賜

傳舍

總叙

傳舍九星在紫微宮外華蓋上近河賓客之館舍也主備奸便
水官也星移入紫微宮垣間則胡人未入宮胡兵大起天子憂
雜干犯占

客星守傳舍有奸佞一日胡兵起一日大使轉粟天下自河之東
有飢饉之憂

彗孛流星犯傳舍皆為胡人入中國

黑氣入傳舍胡兵起

內階

總叙

內階六星在紫微垣外文昌之北天皇之階也主明堂其星明正則
吉傾動則國有憂

雜干犯占

客星犯內階有奸臣在君側

流星抵內階人主憂一日君薨退犯之使者至一日有陰謀事

天廚 總叙

天廚六星在紫微宮垣外東北維天子百官之廚也主御膳星見則吉
不見凶星亡則天下飢

雜干犯占

客星守天廚大飢人相食又日食官有變

流星犯天廚大飢人流

黑氣入天廚飲食中防有置毒者

天床總叙

天床六星在紫微閣闔門外天子寢息燕休之所也其星明太平正則吉傾側則人主不安暗則人主憂

雜干犯占

客星入天床宮中有刺客一日左右侍臣有變甘氏曰若守十日則其事成

流星入天床后妃謀主一曰女主立

流星抵天床天子易其內寢乙巳占曰流星犯天床謀兵動主憂
孽孛犯天床天子失位臣篡奪巫咸曰御寢大灾天子防刺客

黃氣入天床天子納美女出天床君有疾一曰後宮有子喜

蒼白氣入天床君寢疾出之疾愈

青黑氣入天床人主憂且疾 白氣入天床人主惡之

內廚 總叙

內廚二星在紫微垣外西南角宮內飲食之府也一曰後夫人太子飲食
之之廚也星有變動則凶

雜干犯占

客星守內廚天下飢曰食官有變

流星入內廚有進飲食者色青黑有毒

彗孛犯內廚天子宫中慎飲食流星犯之占同

黑氣入內廚飲食防毒

天理 總叙

天理四星在北斗魁中執法之官決獄之職貴人之宰也至咸日

天理水官也主司三公糾貴臣星不敬其明明則法令峻急獄事

頗多動搖及其中有小星皆為貴人下獄

雜干紀占

月入天理甘氏曰大臣有坐歆反者而入獄一曰君有大憂

客星犯天理天下多獄廷尉亦坐之

客星入天理法令不明大臣有誅者

流星入天理貴人下獄一曰人多繫獄者期不出其年

流星犯天理帝王欲振威諸侯俎

彗孛出天理將相戮人主走

赤雲氣入天理兵大起相出師

相星 總叙

相一星在北斗南天之丞相也所以總領百官以佐帝王安邦國聚衆
事主衣服文章其明大則天子明忠臣用星亡則輔臣有黜者
一曰相死不則出走

雜干犯占

五星犯相星輔臣凶

火守相星叁十日大臣作亂天下兵起人主憂

客星出天相天子有變令犯之天下變更人民多死不出一年

流星犯天相三公將相有憂乙巳占曰王者憂一曰流星犯天相或抵
之大兵起大將出輔臣憂

彗孛犯天相星輔臣憂不出一年天子更令民多移徙

黃白氣入天相將相有喜 黑氣入天相將相憂死

太陽守 總叙

太陽守星在天相西大將大臣之象所以守衛天子之宮備守諸門主武備戒不虞其星明則人主威伏四方天下治安不明則主不行天下不治移徙則天子大憂曰大臣誅不見則兵起

雜干犯占

五星犯太陽守大臣戮死

火守太陽守 之臣憂內將軍有死者

客星犯太陽守將相憂兵起

流星抵太陽守兵起將出期三年

流星出太陽守天子憂國易政

彗孛犯太陽守兵起將相憂

黃氣入太陽守大臣受賜三公有喜

蒼白氣入太陽守將軍戰死

赤氣入太陽守宰相憂

勢星 總敘

勢四星在太陽守西北刑餘之人也其星不明則閹宦弄權

雜干犯占

客星彗孛犯勢星中官受誅

黃氣入四勢中官受賜

赤氣出入勢星中官反

黑氣入勢星中官憂

三公 總敘

三公三星在北斗魁西主燮理陰陽弼成机務又曰三公三星在北斗柄東亦曰三師主宣德化調七政和陰陽皆天子輔臣也

星欲其大明黃潤則吉色赤則有兵

蒼白黑皆星入三公有喪黃帝占曰三公一星去則天下危二星則天下危二

星去天下乱三星皆亡天下易主

雜干犯占

五星犯守三公皆為三公死

客星流星犯三公宰相三公憂一曰被冤 彗孛犯入三公有下獄死者

文昌

總叙

文昌六星在紫微垣外北斗魁前如筐形天之六府也主集計禍

福明天道經緯天下天官書曰魁戴筐六星曰文昌六司之會計

也起北斗魁前近因階第一星為上將主建威武次二星曰次將

主正左右次三星曰貴相主理文緒次四星曰司命主賞功進

德次五星曰司中主司過詰咎次六星曰司祿主佐理大室黃帝

占曰文昌宮者 天府之祿宮也其星明大齊同則王者致太平
天瑞臻不明則術道隱藏其色黃潤光明則萬民安青黑微細
則天下多憂人相殘害動搖移徙則三公受殃不則女主忌之

維千犯占

月暈文昌有大赦期百日

歲星犯文昌石氏曰天下兵起有走王

熒惑入文昌黃帝占曰宮廷中有兵天下耗石氏曰天下大亂王者憂

亡都萌曰太守司祿民大疫舍司命童子疾

鎮星犯文昌石氏曰天下兵起有走王春秋緯曰三軍反兵滿都國以弱亡

辰星入文昌占同太白

客星犯文昌石氏曰輔臣有殃一曰大臣謀叛宮中有兵入文昌有女子惑天子者入將星色青將有憂一曰故臣有抵罪者色黃將受封色黑將死 大赤星入將星提之將驚

客星入相星色黃若白皆為故臣有受賜爵者司命內亂 黃帝占
日色青近臣憂一曰近臣有棄捐者色黃近臣有喜色白近臣有
抵罪者色黑近臣死司祿色黃白近臣有喜色青黑有失爵
者

客星出司命黃帝占曰近臣有抵罪走者色黃無故青憂黑死出司祿同占

赤星出司命天子病困

赤黑星入司中奸臣入出之奸臣出 荊州占曰有星入司中是害有賊
流星入文昌宮國亂石氏曰宮廷有兵期二年一日流星入昌宮邊臣
入朝視其所起知其地視色知其吉凶

流星出文昌宮三公出鎮視其所之知其地一日貴臣出師又曰貴臣
將相有下獄貶出者當以色之

流星衝文昌公卿大臣有憂一日文出事

奔星入文昌國內亂出文昌去其君

彗孛犯文昌輔臣災一日三公下獄有急兵易政

彗字出文昌天下亂大臣受殃國易政出上將大將軍反出次將
左右將軍反出貴相大司徒反出司祿大臣得勢者反出司命
天下有權力者俱反

黃白雲氣入文昌三公受賜曰文章之士進用

赤黃氣入文昌將相有黜者

蒼白氣入文昌將相有憂

黑氣入文昌三公死或廢黜

赤氣入文昌術士有謀反舉兵者

黑氣入司命司中司祿天下嬰兒多死

天牢

總叙

天牢六星在北斗魁下貴人牢也主絕愆禁淫其中無星則天下安有星則賢士傷星衆則貴人多下獄明大搖動則王侯有繫者天子有憂

雜干犯占

月暈天牢天下大敗多盜賊一曰貴人有下獄者

月入天牢臣謀反事泄入獄

五星犯天牢王者以獄為蔽貴人多繫獄者

火入天牢荊州占曰貴人多枉死者石氏曰火入天牢若守之二十日

名人有繫者一曰有赦海中占曰火犯守天牢若有叛臣繫獄殺

主不出二年曰大守天牢人相食国有暴兵

客星入天牢斧鉞用諸侯有納王者海中占曰有德令却萌曰赦有戮

臣荊州占曰貴人有囚繫者 出天牢王者 賜諸侯也荊州占曰失土

守天牢石氏曰大魚死人相食守二十日以上大赦荊州占曰鉄鉞用以

初守曰命国

流星入天牢貴人下獄人民多以罪繫期不出其年荊州占曰大僕

名臣有繫者其色黃白無故青憂黑死亦受誅復出則繫

者出黃帝占曰恒以丑未日候流星入天牢則有赦又曰天牢中

有便星出一星出有小赦二星出赦在畿内三星出大赦天下

彗孛出天牢諸侯相賊一曰豪傑中外俱起一曰大臣多下獄誅其國亡

赤雲氣入天牢有久獄者一曰獄中火起

黃白氣入天牢大赦天下

黑氣入天牢三公將相受誅責人親屬有憂

白氣大圍長二三尺出天牢中天下不安五穀貴責人及親戚必有斬死者

八穀 總敘

八穀八星在紫微西蕃之外五車之北華蓋之西主候歲豐凶土官也

一主稻二主黍三主大麥四主小麥五主大豆六主小豆七主粟八主麻

其星明則八穀成暗則八穀不成一星不具一穀不成三星不具民食不足

八星皆亡天下大飢

雜干犯占

客星犯八穀天下穀大貴兵以飢起王者失位

彗孛犯八穀水穀大貴

黑氣入八穀天下萬物不成人飢死太半

天棓 總叙

天棓五星在紫微垣外女床東北天子之先驅所以御難備非常也
主禁暴防不虞又主爭訟其星微明而靜則天下戢兵明大動
搖則兵大起不明亦為兵起郝萌曰天棓明大則國有憂石昏

明大則鋒銳用一星不具則兵起

雜干犯占

五星犯天棓邊戍兵起防戍有憂一曰邊臣有誅者期不出其年黃帝占曰兵四起荊州占曰斧鉞用守之同占

客星犯天棓有大喪國兵大起

客星出天棓下謀上兵大起貴人多有戮者稍棄大臣

流星犯天棓后妃有殃一曰諸臣多爭地者

流星入天棓國中貴人多死又曰流星入天棓兵起有戮王者憂期二年

流星衝天棓乙巳占曰兵革興盜賊大起

流星出天棓四夷安

紫字出天棓兵大起有亡國走主

蒼白氣入天棓国有喪出之則其禍除曰蒼白氣出天棓則先驅

有拜賜者

黑氣入天棓大人憂之

赤氣入天棓大人憂之

黃氣入天棓天子先驅有拜

賜者出之有除出者

赤氣出天棓大起將軍戰死

天棓 總叙

天棓三星在北斗搖光之旁曰天鉞天之武備以守衛紫微宮

金官也其星欲忽忽不明明則斧鉞用伏兵行小而不明則兵敗移徙則君失御芒角動搖則兵大起石氏曰天槍以備非常攻城襲邑當視槍星大而明不可出兵小而明則兵可出城可襲荊州占曰天槍角動天下弑主禍從中發一星不具則兵起

雜干犯占

五星犯天槍占用天槍

客星犯天槍斧鉞用兵大起民飢流亡

入天槍天下有飢兵荊州占曰有大戰

出天槍石氏曰兵起大將出期一年

流星犯天槍外夷來侵邊防有憂乙巳占曰流星犯天槍兵起王者憂

彗孛出天槍王者備四夷邊有驚民憂

彗孛入天槍若犯之鉄鉞大行誅殺不當

赤雲氣入天槍天子驚馬一日失位

蒼白氣入天槍兵起

玄戈

總叙

玄戈一星在北斗杓端招搖之^北曰天戈北夷其星微而小明則天下安

明大則胡夷恣橫明動則胡入中國暗則胡兵退芒角則翼

大起甘氏曰玄戈主胡兵小動則兵小起大動則兵大起胡入境
石氏曰玄戈色赤天下有兵

雜干犯占

五星犯守天戈車騎滿野

木星犯玄戈邊兵大起胡為寇若守之胡人敗胡王死不出二年土

星犯玄戈占與木同金水犯守玄戈與木占同

火星守玄戈春秋緯曰主居腰宮女令橫行以左右占其方石氏曰人

主亂於色春秋聖洽符曰胡寇入邊兵起若守之胡人敗胡王死

期不出二年

客星犯玄戈胡大敗出之占同

客星守玄戈天子憂一曰胡兵入

流星入抵玄戈胡人入中國

彗孛犯玄戈成大敗出之北夷國有

黑氣入玄戈胡兵退

蒼白氣入玄戈胡人大疫死

赤氣出玄戈胡兵大起

觀象玩占卷之二十三終